

Prot. N. 25/21/I

BEATISSIME PATER,

Romulus G. Valles, Archiepiscopus Metropolita Davaënsis, Praeses Conferentiae Episcoporum Insularum Philippinarum, reverenter exponit a die IV Aprilis MMXXI usque ad diem XXII Aprilis MMXXII, quingentesimum celebratum iri anniversarium Insularum Philippinarum evangelizationis.

Optatissimus vero finis horum celebrationum, Fidei scilicet, Spei et Caritatis virtutum incrementum, sese in moribus ad Evangelii leges conformatis manifestantium, profecto facilius attingetur si christifideles per Indulgentias adiuventur ad delenda in se etiam illa consecraria peccati, quae per temporales poenas sunt expianda.

Quare Exc. mus Orator a Sanctitate Tua hoc mirabile donum ad instar iubilaei fiducialiter implorat. Et Deus, etc.


Die XXV Februarii MMXXI


PAENITENTIARIA APOSTOLICA, de mandato Sanctissimi Patris Francisci, iubilarem libenter concedit annum cum adnexa plenaria Indulgentia, suetis sub condicionibus (sacramentali Confessione, eucharistica Communionem et oratione ad mentem Summi Pontificis) a fidelibus vere paenitentibus atque caritate compulsis lucranda, quam etiam animabus fidelium in Purgatorio detentis per modum suffragii applicare possint si, unito corde cum spiritalibus Anni Sancti Iosephi finibus, quodlibet iubilare in Insulis Philippinis templum ut in supplicibus litteris determinatum et elenchatum, in forma peregrinationis inviserint et ibi iubilare celebrationibus devote interfuerint, vel saltem per congruum temporis spatium preces Deo effuderint pro fidelitate Insularum Philippinarum populi ad christianam vocationem, pro sacerdotalibus ac religiosis impetrandis vocationibus et pro defendendo humanae familiae instituto, concludendum Oratione Dominica, Fidei Symbolo invocationibusque Beatae Mariae Virginis.

Pii christifideles senectute vel gravi morbo impediti, pariter plenariam consequi poterunt Indulgentiam, concepta detestatione cuiusque peccati, et intentione praestandi, ubi primum licuerit, tres consuetas condiciones, si iubilare celebrationibus vel peregrinationibus se spiritaliter adiunxerint, suis precibus et doloribus misericordiam Deo per Mariam oblati.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentia enixe rogat ut dioecesani paenitentarii, cathedralis clerus, parochi et sacerdotes opportunis facultatibus ad confessiones excipiendas praediti, in iubilare templis prompto et generoso animo celebrationi Paenitentiae sese praebeant ac S. Communionem infirmis saepe ministrent.

Praesenti pro hac vice tantum valituro. Contrariis quibuslibet non obstantibus.


MAURUS Card. PIACENZA
Paenitentiaris Maior


CHRISTOPHORUS NYKIET
Regens